



UNIVERSITÄTS-
BIBLIOTHEK
PADERBORN

Universitätsbibliothek Paderborn

Svmma Diana

Diana, Antonino

Coloniae Agrippinae, 1656

Restituere Quis teneatur.

urn:nbn:de:hbz:466:1-40647

per se spectato: sed in materia eius mutando illam, quatenus etiam pendet ex voluntate humana, qua mutatione facta, ipsum naturale præceptum cessat per se obligare, quia illa obligatio restituendi non insurgit nisi mediante pacto, & vinculo inter Episcopum, & Ecclesiam: hoc autem pactum humana voluntate contrahitur, & idè ex hac parte mutabile est, saltem per potestatem publicam. *C. inter corporalia, de translat. Episcoporum* & idè per eandem relaxari potest, & consequenter etiam naturalis obligatio, quæ ex illo nascitur potest, vel mutari, vel auferri. Potestas autem publica in hoc casu est Pontifex Summus, qui habet in illa Ecclesia excellentiorem potestatem. Quando autem Pontifex dispensat in residentia, ipse statuit, quomodo pro tali tempore illi Ecclesie providendum sit. *Suarez lib. 2. de Legibus capite 4. num. 22. Basilii Pontius, Merola, & alii p. 10. tractat. 14. resol. 66.*

Potest abesse per tres menses.

2 Episcopus potest abesse à sua Diocesi per tres menses cum causa, vel sine illa. Ita Arca Vitalis, & Paulus Squillante, quamvis contrarium senserit Viguierius. Transactis verd tribus mensibus, posse etiam per octo, vel decem dies abesse absque culpa mortali censet Arca Vitalis, quia est parua materia. Ac oppositum Pasqualigus *part. 10. tract. 14. resol. 87.*

RESTITVERE QVIS TENEATUR.

Restituere quid sit?

1 Restituere, seu restitutio, est actus iustitiæ commutativæ, quo unicuique redditur, quod ab eo ablatum est, vel acceptum. Ad restitutionem pertinentia ferè novem sunt, his carminibus comprehensa.

Et quæ in restitutionse consideranda?

Quid, quis restituet, cui, quantum, quomodo, quando.
Ordino, quo ve loco, qua causa excuset iniquum.
 Primò igitur videbimus qui restituere

teneatur: mox qui non teneatur, seu excusetur, & deinde quid restituendum sit, cui, quantum, & c. suo ordine. Porro restitutionis radices tres ferè sunt: iniusta actio, seu omnis actio contra iustitiam: res accepta, & contractus. Videamus ergo primò.

RESTITVERE QVIS TENEATUR
 Ex iniusta actione.

1 **A**ctiones iniustæ, ex quibus restituenendi nascitur obligatio, hæ sunt: Bellum iniustum, de quo *V. Pugna: furtum, seu acceptio iniusta rei alienæ inuito dominio: iniqua item rei alienæ retentio: acceptio rei alienæ per contractum iniquum: impedimentum, seu obex, ne alius bona acquirat iuste: homicidium, stuprum, & omnia alia offensa in bonis vitæ & fortunæ, nam de restitutione famæ diximus *V. Detractio.* Aliqua hic dicenda sunt: primò, de impediendo bonum alterius, mox de homicida, & stuprante: & tandem de cooperantibus iniquæ actioni. De furto enim, & iniusta retentione, dictum est *V. Furtum, & de iniquo contractu dicemus infra.**

2 Itaque circa impediendum alicui consecutionem alicuius rei, sic prima regula, Si quis impedit proximum à consecutione alicuius rei ad quam habebatur, actione mala contra iustitiam, puta vi, fraude, mendaciis, dolo, tenetur ad restitutionem, si verd id faciat actione mala contra charitatem vel aliam virtutem, puta precibus, exhortationibus, pollicitationibus, etiam ex odio alterius, non tenetur. Racio discriminis est, quia vi & fraude violatur libertas collatoris, in qua ius conditionale alterius situm erat: precibus & blanditiis nõ itè. *Lesius l. 2. c. 11. dub. 10. n. 123. & alii communiter, contra Caietanum in 2. 2. quest. 62. art. 2. p. 3. et. res. 54. & 11. 6. res. 33. & 34.*

3 Ex quibus pro praxi inferes cum

Corollariis dictis.